

DEDICATORIA

tate atq; vbertate orationis, qua antehac nemo enarrauit vnquã: & etiamnũ in cæterarum partium inquisitione capis labores omnium maximos, nihil omnino reliqui faciens, vt metam semel propositam industria consequaris, & quam de tuis conatibus expectationem multis concitasti, eam non adæquas solũ, sed etiam longè superas. Quare cum in his tuis lucubrationibus nunc quotidie verser cupidius, & quæ præstiteris, quas res moliaris, toti posteritati salutare, expendam: equidem non possum non & ingenij tui vim, & corporis firmitatẽ inter labores indefessos satis mirari, adeo vt te non duce solũ natura, sed diuinitus excitari, ad multarũ rerũ patefactionem, atq; illustrationẽ, quæ hætenus magna ex parte obscure ignotæq; fuerunt, ad credendum inducar. quarum veleius partis naturæ inquisitio, quàm erit illustris & grata posteritati, quam de subterraneis corporibus suscepisti. Non enim contentus animũ in cœlum solũ, atq; huic subiecta corpora efferre, intima quoque terræ viscera scrutaris solertiũs: quæ tanta fossilium copia, varietate, effica-